



N 11/26  
13/11/2019

11-26-4-201911131722



**სსიპ – ივანე ჯავახიშვილის სახელობის თბილისის სახელმწიფო უნივერსიტეტის ფსიქოლოგიისა და განათლების მეცნიერებათა ფაკულტეტზე, 2019-2020 სასწავლო წლის შემოდგომის სემესტრში, დოქტორანტთა საუნივერსიტეტო დაფინანსებისათვის დოკუმენტების წარმოდგენის ვადების განსაზღვრის შესახებ**

„უმაღლესი განათლების შესახებ“ საქართველოს კანონის 29-ე მუხლის მე-3 პუნქტის „ე“ ქვეპუნქტის, საქართველოს განათლებისა და მეცნიერების მინისტრის 2013 წლის 11 სექტემბრის 135/ნ ბრძანებით დამტკიცებული საჯარო სამართლის იურიდიული პირის – ივანე ჯავახიშვილის სახელობის თბილისის სახელმწიფო უნივერსიტეტის წესდების მე-5 მუხლის მე-2 პუნქტისა და 21-ე მუხლის მე-6 პუნქტის, ივანე ჯავახიშვილის სახელობის თბილისის სახელმწიფო უნივერსიტეტის რექტორის 2015 წლის 29 ივლისის N126/01-01 ბრძანების, ფსიქოლოგიისა და განათლების მეცნიერებათა ფაკულტეტის საბჭოს 2017 წლის 25 აპრილის სხდომაზე დამტკიცებული „ფაკულტეტის დოქტორანტთა საუნივერსიტეტო დაფინანსებისათვის კანდიდატთა შერჩევის წესის“ მე-7 პუნქტის საფუძველზე

**ვბრძანებ:**

1. გამოცხადეს კონკურსი ფსიქოლოგიისა და განათლების მეცნიერებათა ფაკულტეტზე დოქტორანტთა საუნივერსიტეტო დაფინანსების მოსაპოვებლად.
2. საკონკურსო დოკუმენტები მიიღება 2019 წლის 14 ნოემბრიდან 2019 წლის 22 ნოემბრის ჩათვლით, 10:00 - დან 17:00 საათამდე, სამუშაო დღეებში, ფაკულტეტის სასწავლო პროცესის მართვის სამსახურში (დოქტორანტურის საფეხურის სპეციალისტთან). მისამართი: თბილისი, ი.ჭავჭავაძის გამზირი №11 (თსუ-ს III კორპუსი), II სართული, ოთახი №205.
3. კონკურსში მონაწილეობის მისაღებად დოქტორანტმა უნდა წარმოადგინოს შემდეგი საბუთები:
  - ა) განაცხადი კონკურსში მონაწილეობის შესახებ (დანართი 1);
  - ბ) ავტობიოგრაფია (CV);

- გ) სამეცნიერო პუბლიკაციების, განხორციელებული სამეცნიერო-კვლევითი, კვალიფიკაციის ასამაღლებელი და სასწავლო აქტივობების ჩამონათვალი;
  - დ) სამეცნიერო ხელმძღვანელის შუამდგომლობა;
  - ე) ცნობა სტუდენტის სტატუსის შესახებ;
  - ვ) ამონაწერი სტუდენტის ბარათიდან GPA-ის მითითებით.
4. კონკურსის შედეგები გამოცხადდეს არა უგვიანეს 2019 წლის 2 დეკემბრისა.
  5. ბრძანების ყველასათვის ხელმისაწვდომ ადგილას გამოქვეყნება დაევალოს კანცელარიას.
  6. ბრძანების უნივერსიტეტის ოფიციალურ ვებ-გვერდზე განთავსება დაევალოს ფაკულტეტის სამეცნიერო კვლევებისა და განვითარების სამსახურს.
  7. ბრძანება ძალაშია ხელმოწერისთანავე.

თამარ გაგოშიძე



დეკანი  
ადმინისტრაცია